

# FAAFIN

## الرسمية



# RASMIGA AH

## الجريدة

JAMHUURIYADDA DIMOQRAADIGA SOOMAALIYA

جمهورية الصومال الديمقراطية

Sannaka 8aad Muqdisho 25 Nof, 1980 L. 2 R11

FAAFINTA BIL SOO BAXA

جريدة شهرية

Laanta Faafinta Rasmiga ah ee Madaxtooyada J.D.S.

QIIMAHA : waa 5 shilin Inmbar walba RUKUNKA : Sanalkii waa Sh. 100 Soomaaliya gudaheeda — djbedana waa Sh. So, 300, Rukunka la weydiisto waqtiga loo gooyey wuxuu ka bilaabmaa 1 Janaayo Qiimaha qorotaanka F. R, halkii sadar iyo waxii ka yari waa 2 laba Sh. — Rukunka iyo qoritaanku waxaa la weeydiistaa Laanta Maamulka Faafinta Rasmiga ah — Lacagta waxaa lagu bixinayaa Nafiiska Canshuuraha ee Wasaaradda Lacagta

KOOBNIIN

QAYBTA

KOWAAD

SHARCI

SHARCI L. 30 ee 13 Nofeembar. 1980. Wax Bogga 1126 ka beddelid Sharciga Lamb. 9 ee 3 Feb-raayo 1977.

SHARCI L.31 ee 13 Nofeembar 1980, Oggo-laansho meelmarinta Axdiga 2aad ee Lome.

SHARCI L. 31 ee 13 Nofeembar 1980, Oggo-laasho Meelmar inta Heshiis ganacsi dhexmaray Jamhuuriyadda Dimoqraadiga Soomaaliya iyo Jamhuuriyadda Dadka ee Shiinaha. » 1129

QAYBTA

LABAAD

XEER

XEE RMADAXWEYNAHAJDS, L. 109 ee » 1131  
18 Nofeembar 1980, Canshuur ka dhaafid alaabta loo keeno Ururka Bisha Cas

- XEER MADAXWEYNAHA JDS. 111 ee 15 » 1136  
Sebteember 1980, Dib ugu soo celin C.  
Booliska.
- XEER MADAXWEYNAHA JDS. L. 112 ee » 1137  
27 Sebteember 1980, Ruqsayn Sarkaal
- XEER MADAXWEYNAHA JDS, L. 113 ee » 1138  
4 Oktoober 1980, Qorid Sarkaal
- XEER MADAXWEYNAHA JDS, 114 ee » 1139  
6 Nofeember 1980, Dallacaad Sar-  
kaalnimo
- XEER MADAXWEYNAHA JDS, 115 ee 25 » 1142  
Nofeember 1980, Billad Maar ah oo  
Waddanimo; Jaalle Saalim Axmed  
Saalim.
- XEER MADAXWEYNAHA JDS, 116 ee 25 » 1143  
Nofeember 1980, Billado Maar ah oo  
Hawlkarnimo; Jaalle Abuukar Maxa-  
med Shamcuun iyo Nuur Maxamed  
Cabdulle
- XEER MADAXWEYNAHA JDS, 118 ee » 1144  
Nofeember 1980, Billado Maar ah oo  
Hawlkarnimo; Jaalle KIM JIN GWON,  
UN GI SUL iyo Jaalle LI DOK HO
- XEER MADAXWEYNAHA JDS, 119 ee » 1146  
16 Juun 1980, Gunnooyinka Guddiga  
Joogtada ah ee Golaha Shacbiga De-  
gaanka ee Magaalada Muqdisho
- XEER MADAXWEYNAHA JDS. L. 120 ee » 1148  
29 Juun 1980. Sare u qaadid heerka dara-  
jada iyo Mushaharka ee Shaqaalaha  
aan lahayn aqoon gaar ahaaneed;
- WASAARADDA GANAQSIGA L. 121 ee 10 » 1149  
Nofeember 1980. Diwaangelinta Is-  
kaashatada Milixda ee Tuulada Bohol,  
Degmada Ceel afweyn Gobolka Sanaag

QAYBTA

KOWAAD

SHARCI LAMBAR 30 taariikh 13 Nofeem-  
ber 1980 Wax ka beddelid Sharciga  
Lambar 9 ee 3. 2. 1977

ISAGOO TIXGELINAAAYA oggolaashaha Guddiga Joo-  
gtada ah ee Golaha Shacbiga;

### WUXUU SOO SAARAYAA

Sharciga soo socda:

#### QODOBKA 1AAD

Qodobka 3aad ee Sharciga Lamb. 9, soona baxay  
3. 2. 1977, erayga «kontrobaan» waxaa lagu beddelay  
erayada «suuqa xaaraanta».

#### QODOBKA 2AAD

Qodobka 9aad ee Sharciga Lamb. 9, soona baxay  
3. 2. 1977, waxaa loo beddelay sida soo socota:

Qodobka 9aad Beddeecadda iyo qalabka lagu ga-  
lay dembiga ee lagu qabtay ee deysanaha ama wakiil-  
kiisa waa lala wareegayaa, shatigana waa lagala no-  
qon karaa.

#### QODOBKA 3AAD

Sharciga Lamb. 9 ee 3. 2. 1977 waxaa lagu kordhi-  
yay qodobbada soo socda:

Qodobka 9 — A.

Qiimaha ka soo baxa qalabka dembi ee ku xusan  
Qodobka 9aad ee Sharcigan, boqolkiiba konton waxaa  
lagu wareejinayaa Khasnadda Dhexe ee Dawladda,  
kontonka kalena khasnadda gaar ahaaneed ee Degma-  
da dembiga lagu qabtay oo ugu isticmaaleysa mashaa-  
riicda horumarinta degmada.

QODOBKA. 9 — B

1. Lacagaha dhab ahaan ka soo xerooda ganaa-  
xa dembiyada suuqa xaaraanta ah, boqolkiiba  
toddobaatan waxaa lagu shubayaa Khasnadda  
Dhexe ee Dawladda.

- 2) Boqolkiiba soddonka hara waxaa yeelanaaya qofkii dembiga soo sheegay, kii qabtay, baarayaasha iyo Shaqaalaha ku tilmaaman Qodobada 15 iyo 17 ee Amarka lambarkiiisu yahay 15, soona baxay 30. 1. 1957 ee Maxkamadda dacwadda dhammeysay, waxayna u qaybsanaayan sida soo socota :

— Soo sheegaha dembiga	10%
— Qofka ama kooxda soo qabata iyo baarayaasha	7%
— Shaqaalaha Maxkamadda dacwadda dhameysay	13%

- 3) Abaalgudka qofka soo sheegay dembiga ama gacanta ku dhigay iyo baarayaasha kama badnaan karo Sh. So. 10.000 (Toban kun) markii ba.
- 4) Abaalgudka Shaqaalaha Maxkamadda dacwadda dhameysay waxaa lagu dhaqayaa Amarka Lambar 15 ee 30. 1. 1957.
- 5) Lacagta ka soo harta qaybintaas waxaa lagu shubayaa Khasnadda Dhexe ee Dawladda.

#### QODOBKA 9—T

- 1) Maamulka iyo qaybinta hantida ka soo gasha qalabka dembi iyo ganaaxa ee Sharcigan ku xusan waxaa leh Kaaliyaha Maxkamadda dacwadda dhammeysay, waxaana ku kormeeraya Garsooraha Maxkamadda.

#### QODOBKA 4AAD

Sharci kasta oo ka soo horjeeda ama aan la socon karin Sharcigan waa la buriyey.

QODOBKA 5AAD

Sharcigan waxaa uu dhaqan gelayaa marka uu saxiixo Madaxweynaha Jamhuuriyadda Dimoqraadiga Soomaaliya, waxaana lagu soo saarayaa Faafinta Rasmiga ah ee JDS.

Muqdisho, 13 Nofeember 1980

MADAXWEYNAHA J. D. S.  
MAXAMED SIYAAD BARRE

SHARCI LAMB. 31 Taariikh. 13 Nof. 1980.

Oggolaasho meelmarinta Axdiga 2aad ee Lome.

MADAXWEYNAHA JDS

ISAGOO TIXGELINAAYA: Oggolaashaha Guddiga Joogtada ah ee Golaha Shacbiga;

WUXUU SOO SAARAYAA

Sharciiga soo socda:

Qod. 1aad

- 1) Waxaa la oggolaaday Axdiga 2aad iyo protokollada la xiriira oo dhexmaray Dalalka Afrika, Karaybi iyo Dalalka Badweynta degen (ACP) iyo Dalalka Suuqa dhaqaalaha Yurub (EEC).
- 2) Axdiga 2aad ee Lome ee ACP-EEC oo ay ka mid tahay Jamhuuriyadda Dimoqaraadiga Soomaaliya waxaa lagu saxiixay magaalada Lome ee Dalka Togo taariikhdu markey ahayd 31 Oktoobar 1979.
- 3) Axdiga 2aad ee Lome ee sannadka 1979 iyo protokollada la xiriira oo ay tiradoodu tahay toddoba (7) waxay ka mid noqonayaan Sharciigan.

Qod. 2aad

Shuruucda iyo xaaladaha ay qorayaan qodobbada uu ka kooban yahay Axdiga iyo protokollada la xiriira kuna tilmaaman Qod. 1aad ee Sharciigan, waxay leeyihiin qiimo iyo astaan sharci la heer ah Sharciyada iyo Xeerarka Dalka, dhaqangelintoodana waxaa la waa-fajinayaa Dastuurka Jamhuuriyadda Dimoqaraadiga Soomaaliya iyo qodobbada uu ka saameeyo ee Axdiga iyo protokolladiisa

Qod. 3aad

Sharcigan waxaa lagu soo saarayaa Faafinta Rasmiga ah ee J D S wuxuuna dhaqan gelayaa isla maalinta lagu soo saaro Faafinta Rasmiga ah.

Muqdisho, 13 Nov. 1980.

MADAXWEYNAHA J. D. S.  
MAXAMED SIYAAD BARRE

SHARCI LAMB. 32 Taariikh. 13 Nof. 1980,  
ogolaasho meelmarin heshiis ganacsi  
dhexmaray Jamhuuriyadda Dimoqraa-  
diga Soomaaliya iyo Jamhuuriyadda  
Dadka ee Shiinaha

MADAXWEYNAHA JDS

ISAGOO TIXGELINAAYA : Oggolaashaha Guddiga  
Joogtada ah ee Golaha Shacbiga;

WUXUU SOO SAARAYAA

Sharciga soo socda :

QODOBKA 1AAD

- 1) Waxaa la oggolaaday heshiiska dhexmaray  
Jamhuuriyadda Dimoqraadiga Soomaaliya iyo  
Jamhuuriyadda Dadka ee Shiinaha, kuna saab-  
san xiriir ganacsi labada Dal.
- 2) Heshiiskaa waxaa lagu kala saxiixday magaa-  
lada PEKIN ee Dalka Jamhuuriyadda Dadka  
ee Shiinaha taariikhdu markey ahayd 23 Ab-  
riile 1980.
- 3) Heshiisku wuxuu ka mid noqonayaa Sharcigan  
isagoo lifaaq u yahay.

QODOBKA 2AAD

Shuruudaha iyo xaaladaha ay qorayaan qodobba-  
da Heshiiska lagu soo tilmaamay Qodobka. 1aad ee  
Sharcigan, waxay leeyihiin qiimo iyo astaan sharci la  
heer ah Sharciyada iyo Xeerarka Dalka, dhaqangelin-  
tiisana waxaa la waafajinayaa Qodobka 72 (1) ee Das-  
tuurka iyo Qodobka 11aad ee Heshiiska.

QODOBKA 3AAD

Sharcigan wuxuu ka mid noqonayaa Sharciyada  
iyo Xeerarka Dalka, wuxuuna dhaqan gelayaa maa-  
linta ku xigta ee lagu soo saaro Faafinta Rasmiga ah  
ee Dawladda.

Muqdisho, 13. Nofeember 1980

MADAXWEYNAHA J. D. S.  
MAXAMED SIYAAD BARRE



QAYBTA

LABAAD

XEERKA MADAXWEYNAHA JDS, Lambar 109 taa-riikh 18 Nofeember 1980 Canshuur ka dhaafid alaabta loo keeno Ururka Bisha Cas.

MADAXWEYNAHA JDS

MARKUU ARKAY : Qod. 82aad ee Dastuurka;

MARKUU ARKAY : Xeerka tirsigiisu yahay 187 ee 17. 6. 1965

MARKUU ARKAY : Xeerka tirsigiisu yahay 5. 11.1966 qodobkiisa 15aad;

MARKUU TIXGELIYEY : In loo baahan yahay in la fududeeyo habka looga soo saaro furdooyinka Dalka qalabka iyo alaabta Hay'adaha Caalamiga ahi ay ugu deeqaan Ururka Bisha Cas ee Soomaaliya, loogana ahi ay ugu deeqaan Ururka Bisha Cas ee Soomaaliya, laguna tala galay daryeelka dadka ku tabaaleeyaan Dalkeenna;

MARKUU ARKAY : In fududeyntaasi ay ku iman karto iyadoo la soo saaro xeer looga dhaafayo qalabkaas iyo alaabtaas kaalmada ah wax alla wixii canshuur dawladeed ah;

ISAGOO DHEGEYSTAY : soo jeedinta Wasiirka Waa-saaradda Maaliyadda;

WUXUU SOO SAARAYAA

Xeerka soo socda :

QODOBKA 1AAD

Waxaa laga dhaafay wixii canshuur ah, mid toosan iyo mid dadbanba, iyo wixii Kharaj dawladeed ah ee ku saabsan qalabka, daawooyinka, cunnada iyo wixii la mid ah oo loo keeno Ururka Bisha Cas ee Saamaaliya

QODOBKA 2AAD

Sidoo kale waxaa lagadhaafay alaabta ku cad qodobka 1aad ee Xeerkan ku lacagta laga qaado moorka iyo diiwaangelinta.

QODOBKA 3AAD

Xeerkan wuxuu dhaqan galayaa markuu saxiixo Madaxweynaha J. D. S. waxaana lagu soo saarayaa Faafinta Rasmiga ah ee Jamhuuriyadda

Muqdisho 8. Nofeember 1980

MADAXWEYNAHA J. D. S.

MAXAMED SIYAAD BARRE

WASIIRKA WASAARADDA MAALIYADDA.

(Cabdullaahi Axmed Caddow)

**XEERKA MADAXWEYNAHA J. D. S. Lambar 110 Taa-riikh 18. Nofeember 1980 Canshuur ka dhaafid alaabta loo keeno Qaxootiga.**

### MADAXWEYNAHA JDS

**MARKUU ARKAY :** Qodobka 82aad ee Dastuurka;

**MARKUU ARKAY :** Xeerka tirsigiisu yahay 187 ee 17. 6. 1965;

**MARKUU ARKAY :** Xeerka tirsigiisu yahay 5 ee 5. 11. 1966, qodobkiisa 15aad;

**MARKUU TIXGELIYEEY :** baahida loo qabo in la fududeeyo habka looga soo saarofurdooyinka Dalka qalabka iyo alaabta Dawladaha dibedda iyo Ururada Caalimiga ahi ay ugu keenaan daryeelka Qaxootiga Jamhuuriyadda Dimoqraadiga Soomaaliya ay dhulkeeda ku martigalisay;

**MARKUU ARKAY :** In fududeyntaasi ay ku iman karto iyadoo la soo saaro xeer looga dhaafayo qalabkaas iyo alaabtaas kaalmada ahi wax alla wixii canshuur dawladeed ah;

**ISAGOO DHEGEYSTAY :** soojeedinta Wasiirka Wasaaradda Maaliyadda;

### WUXUU SOO SAARAYAA

**Xeerka soo socda :**

### QODOBKA 1AAD

Waxaa laga dhaafay wixii canshuur ah, mid toosan iyo mid dadbanba, iyo wixii kharaj dawladeed ah ee ku saabsan qalabka, daawooyinka, cunnada iyo wixii la mid ah ee loo keeno daryeelka Qaxootiga jooga Dalka Jamhuuriyadda Dimoqraadiga Soomaaliya.

QODOBKA 2AAD

Waxaa sidoo kale laga dhaafay alaabta ku cad Qodobka 1aad ee Xeerkan lacagta laga qaado moorka iyo diiwaangelinta.

QODOBKA 3AAD

Xeerkan wuxuu dhaqan gelayaa markuu Saxiixo Madaxweynaha Jamhuuriyadda Dimoqraadiga Soomaaliya, waxaana lagu soo saarayaa Faafinta Rasmiiga ah ee Jamhuuriyadda.

Muqdisho, 8. Nofeember 1980

MADAXWEYNAHA J. D. S.  
MAXAMED SIYAAD BARRE

WASIIRKA WASAARADDA MAALIYADDA  
Cabdullaahi Axmed Caddow

**XEER MADAXWEYNAHA JDS, L. 111 ee 15 Sebteem-  
ber 1980 Dib ugu soo celin C. Booliiska**

**MADAXWEYNAHA JDS**

**ISAGOO ARKAY:** Dastuurka Jamhuuriyadda Di-  
moqraadiga Soomaaliya Qodobka 82aad;

**ISAGOO ARKAY:** Sharciga lambar 2 ee 23. 12. 72kii  
oo ku saabsan dhismaha Ciidanka Booliiska Soo-  
maaliyeed;

**ISAGOO DHEGEYSTAY:** Talada Hoggaammada XHK  
ee qaabbilsan maamulka Hawlwadeenada Xisbiga;

**ISAGOO LA TASHADAY:** Taliyaha Ciidanka Boliiska  
Soomaaliyeed.

**WUXUU XE RAY**

**QODOBKA 1AAD**

- b) Jaalle Salaad Yuusuf Samatar oo hore looga  
wareejiyey Ciidanka Booliiska Soomaaliyeed  
dib ayaa loogu celiyey Ciidankiisii laga bilaabo  
9. 8. 1980ka.
- t) Jaalle Salaad Yuusuf bacdamaa markii Boliis-  
ka laga wareejiyey uu sitay derejeda L/Xiddig-  
le uuna hal derejo dallacay taariikhda 26. 5. 80  
hadda derejeda uu ku wareegayaa waa Dham-  
me.
- J) Shaqada Jaalle Salaad Yuusuf waxay ahaana-  
ysaa xiriir.

Muqdisho, 15. 9. 1980

**MADAXWEYNAHA J. D. S.**

**S/Gaas Maxamed Sivaad Barre**

**XEER MADAXWEYNAHA JDS L. 112 ee 27 Sebtember 1980 Ruqsayn Sarkaal.**

**MADAXWEYNAHA JDS**

**ISAGOO ARKAY :** Dastuurka J. D. S. Qodobka 82aad,

**ISAGOO ARKAY :** Sharciga L.2 ee 23.2.72 oo ku saabsan dhismaha Ciidanka Boliiska Soomaaliyeed.

**ISAGOO ARKAY :** Talada uu soo jeediyey Taliyaha Ciidanka Boliiska Soomaaliyeed kuna qornayd Xaashida lambar XOG/GG/185 ee 27. 9. 1980ka, iyo Arjigii ku lifaaqnaa ee uu soo qortay Sarkaalku kuna saabsanaa shaqo ka tegid.

**WUXUU XE RAY**

**QODOBKA 1AAD**

L/Xidiggle Axmed Maxamed Cismaan waxaa laga Rugseeyey Ciidanka Boliiska Soomaaliyeed laga bilaabo 30. 11. 1980ka, taariikhdaas oo ah tan uu ku dhamaanayo fasax laba bilood ah oo ka gilaabma 1.10.80

**QODOBKA 2AAD**

In Sarkaalka la siiyo wixii xaq ah ee uu siinayo Sharcigu.

**QODOBKA 3AAD**

Xeerkani degdeg buu u dhaqan geliyaa, waxaana lagu soo saari doonaa Faafinta Rasmiga ah ee Dawladda.

Muqdisho, 27.9. 1980ka

**MADAXWEYNAHA J. D. S.**

**MAXAMED SIYAAD BARRE**

Waan aragnay ee Diiwaangelinay  
Diiwaan lambar 6.. bogga lambar 141.

Muqdisho 11 Oktoobar 1980,  
Xuxigeenka Hantidhowraha Guud  
Xuseen Cabdulle Cali

**XEER MADAXWEYNAHA JDS L. 113 ee 10 Oktoobar 1980 Qorid Sarkaal.**

**MADAXWEYNAHA JDS**

**ISAGOO ARKAY :** Dastuurka J. D. S. Qodobka 82aad  
**ISAGOO ARKAY :** Sharciga lambar 2 ee 23.12.72kii oo ku saabsan dhismaha Ciidanka Boliiska Soomaaliyeed.

**ISAGOO TIGLIYEY :** Xaashida Wasiirka W. Shaqada iyo Arrimaha Bulshada Lambar 6/1/1-224386 ee 20.9.1980ka, taasoo Hay'adaha Dawladda lagu meeleeyey Ardadii ka soo qalin jabisay Jaamacadda Ummadda.

**WUXUU XEERAY**

**QODOBKA 1AAD**

Jaalle Cabdi Dubbad Ismaaciil oo ka qalin jebiyey Kulliyadda Beeraha 13.7.1980ka waxaa rasmi ahaan loogu meeleeyey Ciidanka Boliiska Soomaaliyeed isagoo lagu qaatay derejeda L/Xiddigle laga bilaabo 1.9.80

**QODOBKA 2AAD**

Xeerkani degdeg buu u dhaqan geleyaa, waxaana lagu soo saari doonaa Faafinta rasmiga ah ee Dawladda.

Muqdisho, 4.10.1980ka

**MADAXWEYNAHA J. D. S.**

**MAXAMED SIYAAD BARRE**

Waan aragnay ee Diiwaangelinay  
Diiwaanka Lambar 6 bogga L. 227  
Muqdisho, 28 Oktoobar 1980,  
Hantidhowraha Guud KMG  
Yuusuf Cali Nuur

XEER MADAXWEYNAHA JDS L. 114 ee 6 Nofeem-ber1980 Dallacaad Sarkaalnimo.

MADAXWEYNAHA JDS

ISAGOO ARKAY : Dastuurka Jamhuuriyadda Dimoqraadiga Soomaaliya Qodobka 82aad.

ISAGOO ARKAY : Sharciga lamb. 2 ee 23.12.1972kii oo ku saabsan dhismaha Ciidanka Boliiska Soomaaliyeed.

ISAGOO TIXGELIYEY : Tababar Layli Sarkaalnimo oo laba sano ah oo ay ku dhammaystaan Kulliyadda Ciidammada Qalabka Sida ee Jaalle Siyaad.

ISAGOO TIXGELIYEY : Talada Taliyaha Ciidanka Booliiska Soomaaliyeed;

WUXUU XEERAY

QODOBKA 1AAD

Layli Saraakiisha magacyadoodu hoos ku qoran yihiin oo ka tirsan Ciidanka Boliiska Soomaaliyeed waxa loo dallacsiyey derejada Xiddigleyaal laga bilaabo 1.10.1980 xag derejo iyo lacageedba:

- 1) L/Sarkaal Maxamuud Axmed Maxamuud  
— Xiddigle
- 2) » Cabdisalaam Guuleed Diiriye  
— Xiddigle
- 3) » Cabdulqaadir Ibraahim Aadan  
— Xiddigle
- 4) » Aadan Cabdulle Axmed  
— Xiddigle
- 5) » Yuusuf Cali Raage  
— Xiddigle
- 6) » Axmed Maxamed Nuur  
— Xiddigle
- 7) » Cabdullaahi Xaashi Maxamed  
— Xiddigle



- 8) » Cabdullaahi Maxamed Cali  
— Xiddigle
- 9) » Cumar Sh. Maxamed Cusmaan  
— Xiddigle
- 10) » Nuur X. Axmed Cabdi  
— Xiddigle
- 11) » Daahir Cali Wacays  
— Xiddigle
- 12) » Cabdulqaadir X. Maxamed Cabdi  
— Xiddigle
- 13) » Cabdullaahi Macallin Cumar Armed  
— Xiddigle
- 14) » Cabdulqaadir Mukhtaar Axmed  
— Xiddigle
- 15) » Maxamed Macallin Axmed Nuur  
— Xiddigle
- 16) » Maxamed Axmed Aadan  
— Xiddigle
- 17) » Cali Cabdi Ceelaabe  
— Xiddigle
- 18) » Cabdullaahi Axmed Maxamed  
— Xiddigle
- 19) » Cali Cabdulle Maxamed  
— Xiddigle
- 20) » Maxamed Sheekh Maxamed Xirsi  
— Xiddigle
- 21) » Cabdi Samantar Xuseen  
— Xiddigle
- 22) » Siciid Maxamed Xalane  
— Xiddigle
- 23) » Axmed Cusmaan Mire  
— Xiddigle

- 24) » Maxamuud Maxamed Cusmaan  
— Xiddigle
- 25) » Maxamed Sheekh Daahir Cabdisalan  
— Xiddigle
- 26) » Maxamed Axmed Yuusuf Cilmi  
— Xiddigle

QODOBKA 2AAD

Xeerkani degdeg buu u dhaqan gelayaa, waxaana lagu soo saari doonaa Faafinta rasmiga ee Dawladda.

Muqdisho, 6. 11. 1930

MADAXWEYNAHA J. D. S.  
(S/Gaas Maxamed Siyaad Barre)

Waan aragnay ee Diiwaangelinay  
Diiwaanka Lambar 7 bogga L. 9  
Muqdisho 17 Nofeembar 1980,  
Hantidhowraha K M G  
Yuusuf Cali Nuur

**XEER MADAXWEYNAHA JDS. L. 115 ee 25 Sebteem-  
ber 1980 Billad Maar ah oo Waddaninimo: Jaalle  
Saalim Axmed Saalim**

**MADAXWEYNAHA JDS**

**MARKUU ARKAY : Qod. 82aad(15) ee Dastuurka;**

**MARKUU ARKAY : Sharci Lamb. 65 ee 19 Oktoobar  
1970;**

**MARKUU TIXGELIYEY : Geesinimada Waddanini-  
mada ku dheehantahay ee Jaalle Saalim Axmed  
Saalim uu uga hortegay ulajeeddadii kooxdii bur-  
cadda ahayd ee hollisay in ay dhacdo hanti qaran-  
ku leeyahay; isagoo ku dhaqaaqay feker iyo ficil  
deg deg ah, sidaana ku samatabixiyey xoolihii Qa-  
ranka;**

**MARKUU TIXGELIYEY : In ay lagama maarmaan  
tahay in xusuus waarta laga reebo dadka dhiirra-  
naanta iyo nafhuridda ku dayashada leh ku waa-  
jaha duruufaha adag, iyagoo gudanaya waajib  
waddani ah;**

**ISAGOO DHEGEYSTAY : Talada Guddiga Abaalma-  
rinta;**

**WUXUU SOO SAARAYAA**

**Xeerka soo socda :**

**QODOB KELIYA**

**Waxaa lagu maamuusay Billad Maar ah oo Wadda-  
ninimo Jaalle SAALIM AXMED SAALIM.**

**Muqdisho, 25. 9. 1980**

**MADAXWEYNAHA J. D. S.**

**XEER MADAXWEYNAHA JDS, L. 116 ee 25 Sebteem-  
ber 1980 Billadda Maarta ah ee Hawlkarnimo: Jaa-  
lle Xirsi Cabdi Saadaad.**

**MADAXWEYNAHA JDS**

**MARKUU ARKAY : Qod. 82aad(15) ee Dastuurka;**

**MARKUU ARKAY : Sharciga Lambar 65 ee 19 Ok-  
toobar 1970;**

**MARKUU TIXGELIYEY : Kartida, dadaalka, isxil-  
qaanka iyo kaalinta wax ku oolka ah ee Jaalle Xir-  
si Cabdi Saadaad uu ka geystay xalinta biyo la'aan-  
ta ku dhacday Kismaayo, isagoo naftiisa u huray  
sidiid dadweynaha Kismaayo ay biyo ku heli lahaa-  
yeen;**

**MARKUU TIXGELIYEY : In ay lagama maarmaan  
tahay xusuus in laga reebo wax qabadka iyo naf-  
huridda qaddarinta leh ee Jaalluhu muujiyey isagoo  
gudanaya waajib xilkasnimo;**

**ISAGOO DHEGEYSTAY : Talada Guddiga Abaalma-  
rinta;**

**WUXUU SOO SAARAYAA**

**Xeerka soo socda :**

**QODOB KELIYA**

**Waxaa lagu maamuusay Billad Maar ah oo Hawl-  
karnimo Jaalle XIRSI CABDI SAADAAD.**

**Muqdisho, 25 Sebteember 1980**

XEER MADAXWEYNAHA JDS, L. 117 ee 25 Sebteem-  
ber 1980 Billado Maar ah oo Hawlkarnimo, Jaalle  
Abuukar Maxamed Shamcuun iyo Jaalle Nuur Ma-  
xamed Cabdulle.

MADAXWEYNAHA J, D, S,

MARKUU ARKAY : Qodobka 82aad ee Dastuurka;

MARKUU ARKAY : Sharciga lambar 65 ee 19kii Ok-  
toobar 1970, Habka Abaalmarinta;

MARKUU TIXGELIYEY : Kaalintii wacneyd ee Jaa-  
lle Abuukar Maxamed Shamcuun iyo Jaalle Nuur  
Maxamed Cabdulle ay ka geysteen duubiddii iyo is-  
ku duwiddii khudbooyinka Madaxweynaha Dalka  
ka akhriyi jirey tobankii sano ee Kacaanka jiray  
iyagoo habeen iyo maalinba Shaqada Qaranka u  
taagnaa, waqtiyada dadku nasashada ku jirana  
shaqeynaayey, sida Ciidaha Qaranka;

MARKUU TIXGELIYEY : Waqtiyadii adkaa ee fulin-  
ta xilalkaas kala soo gudboonaaday, mintidnimada  
iyo dareenka sare ee kacaannimo ay ku hawl ga-  
leen iyo hagar la'aanta ay goor kasta ugu adeegaa-  
yeen danaha Ummadda Soomaaliyeed;

MARKUU ARKAY : In ay lagama maarmaan tahay  
in qof kasta waxa uu mudan yahay lagu abaalma-  
riyo;

MARKUU DHEGEYSTAY : Talada Guddiga Abaal-  
marinta;

WUXUU SOO SAARAY

Xeerka soo socda :

QODOB KELIYA

Waxaa lagu maamuusay Billad Maar ah oo Hawl-  
karnimo, Jaalle Abuukar Maxamed Shamcuun;  
Billad Maar ah oo Hawlkarnimo, Jaalle Nuur Maxamed  
Cabdulle.

Muqdisho, 25. 9. 1980

**XEER MADAXWEYNAHA** JDS, L. 118 ee 8 Nof. 1980  
Billado Maar ah oo Hawlkarnimo: Jaalle Kim Jin  
Gwon, Un Gi Sul iyo Jaalle Li Dok Ho.

**MADAXWEYNAHA JDS**

**MARKUU ARKAY** : Qod. 82aad(15) ee Dastuurka;

**MARKUU ARKAY** : Sharciga tirsigiisu yahay 65 ee  
19 Oktoobar 1970;

**MARKUU TIXGELIYEY** : Hirgelinta hawlaha Mash-  
ruuca Horumarinta Biyoxireenka Balcad ee isla  
kaashiga labada Dawladood Soomaaliya iyo Korea  
lagu fuliyey;

**MARKUU TIXGELIYEY** : Shaqada qaddarinta mu-  
dan ee Jaallayaasha Dalka Korea: Kim Jim Gwon,  
Un Gi Sul iyo Li Kok Ho, ay ka qabteen Mashruu-  
caas, iyadoo si daacadnimo ah uga hawlgalay mud-  
dadii uu socday kuna guuleystay natiijooyinkii la-  
ga gaaray;

**MARKUU TIXGELIYEY** : In ay laga maarmaan ta-  
hay in la siiyo aqoonsiga ay mudan yihiin oo ku  
aaddan hirgelinta hawlaha adag ee Mashruuca;

**MARKUU DHEGEYSTAY** : Talada Guddiga Abaal-  
marinta 11 Guurada Kacaanka 21ka Oktoobar;

**WUXUU SOO SAARAYAA**

Xeerka soo socda:

Waxaa lagu maamuusay Billad Maar ah oo Hawl-  
karnimo Jaalle Kim Jin Gwon, Billad Maar ah oo Hawl-  
karnimo Jaalle Un Gi Sul, Billad Maar ah oo Hawlkar-  
nimo Jaalle Li Dok Ho.

Muqdisho, 8.11.80

**MADAXWEYNAHA JDS**

Maxamed Siyaad Barre

XEER MADAXWEYNAHA JDS, 119 ee 16 Juun 1980  
Gunnooyinka Guddiga Joogtada ah ee Golaha  
Shacbiga Degaanka ee Magaalada Muqdisho,

MADAXWEYNAHA JDS

ISAGOO ARKAY : Qodobka 82aad ee Dastuurka J.D.S  
ISAGOO ARKAY : Xeerka Lamb. yahay 46 ee 16.9.79,  
eeuu ku dhaqan galay Dastuurka J. D. Soomaaliya

ISAGOO ARKAY : Sharciga Golayaasha Shacbiga ee  
Degaanka ee Lamb. yahay 6 ee 12. 2. 1980;

ISAGOO OGAADAY : In Gunnooyinka ku ttilmaa-  
man Xeerka Lamb. yahay DHK/XQ/116—80 24.2.80  
lana xiriiray Xoghayaha Guddiga Joogtada ah ee  
Degaanka Xamar, Guddoomiyaasha Guddi Hoo-  
saadyada, Guddoomiye ku xigeenada Guddi Hoo-  
saadyada iyo Xubnaha Guddiga Joogtada ah ay  
tahay mid aad u hooseysa oo aan u dhigmin Xil-  
ka Ballaaran oo ay u hayaan Maamulka D/Hoose  
ee Xamar,

ISAGOO TIXGELIYEY : Tala jeedinta Duqa Ma-  
gaalada Muqdisho,

XEERKAN;

WUXUU SOO SAARAYAA

QODOBKA 1AAD

Waxaa Xeerkan lagu xaddiday tirada Gunnooyin-  
ka Xushmada ee bil walba lagu kala qaadanayo Ja-  
gooyinka : 1) Xoghaynta Guddiga Joogtada ah ee  
Degaanka Xamar,

2) Guddoomiye Guddi Hoosaad,

3) G/ku xigeen Guddi Hoosaad iyo Xubin Gud-  
diga Joogtada ah waxayna noqonaysaa inta jago  
kasta ka hor qoran :

1) Xoghayaha Guddiga Joogtada ah iyo Guddoo-  
miye Guddiga-Hoosaad Sh. So. 3900/ bil walba

2) Guddoomiye Ku xigeen Guddi Hoosaad iyo xubin Guddiga Joogtada as Sh. So. 2450 bil walba

#### QODOBKA 2AAD

Gunnadda bil walba la siinayo dadka ku Magacaaban Jagooyinka ku tilmaaman Qodobka laad, ee Xeerkan, waxay ka soo billaabnaysaa markaa Taa-riikhdu ahayd 24. 1. 1980 muddadaas oo ah maalintii Jagooyinka loo soo doortay,

#### QODOBKA 3AAD

Gunnooyinka la siin jiray Duqa Magaalada Muqdisho iyo Kuxigeennadiisa waxba iskama beddelin, waxaa laga hab raacayaa Xeerka lamb. yahay DHM/XQ /116/80 ee 24.2.80,;

#### QODOBKA 4AAD

Waxaa la baabi'iyoo wax alaale wixii la socon karin Xeerkan, waxaana lagu soo saari doonaa Faafinta Rasmiga ah ee Jamhuuriyadda Dimoqraadiga Soomaaliya;

Muqdisho, 1.6.80

MADAXWEYNAHA J. D. S.

(S/Gaas Maxamed Siyaad Barre)

Waan aragnay ee Diiwaangelinay.  
Diiwaanka lamb. 5 bogga L. 7  
Muqdisho 4 Agoosto 1980  
Hantidhowraha Guud KMG  
Yuusuf Cali Nuur



XEER MADAXWEYNAHA JDS L. 120 ee 29 Juun 1980  
Sare u qaadidda heerka darajada iyo Mushaarka  
ee Shaqaalaha aan lahayn aqoon gaar ahaaneed:-

ISAGOO ARKAY : Qod.82aad (Xubinta 14) ee Das-  
tuurka JDS;

ISAGOO ARKAY : Xeerka lamb.yahay 46 ee 16.9.1979  
ee uu ku dhaqan galay Dastuurka JDS;

ISAGOO ARKAY : Qod. 31aad (Xubinta D) ee Xeer-  
ka lamb.yahay 28Biis ee 21.2.1979 iyo wax ka bed-  
deliddii ka dambaysay ee lagu maamulo Shaqaala-  
ha D/Hoose ee Muqdisho;

ISAGOO GAREYSTAY : In sare u qaadidda heerka  
darajada iyo Mushaarka ee Shaqaalaha aan  
aqoonto gaarka lahayn sida Adeege, Ilaaliye, Xoogsa-  
de iyo Nadiifiye ee u qoran ama ay qoran doonto  
Dawladda Hoose ee Xamar ay tahay lagama  
maarmaan, taasoo looga dan leeyahay in la is waa-  
fajiyo ama la isku dheeli tiro Mushaarkooda iyo  
hawsha Muruq maalka ah oo ay u qabtaan D/Hoo-  
se ee Xamar.

ISAGOO TIXGELIYAY : Tala jeedinta Duqa Magaa-  
ladda Muqdisho ee ku xusneyd warq. Lamb. yahay

DH/MG/XO/119/80 ee 28. 2. 1980.

## WUXUU SOO SAARAYAA

### QODOBKA 1AAD

Laga Billaabo Maalinta Madaxweynuhu Xeerkan  
Saxiixo, waxaa kor loo qaaday Heerkii darajada ay ku  
mushaar qaadan jireen ( oohayn D4 lana mid ahayn  
Sh. So. 230/), Shaqaalaha Muruq maalka ah oo aan  
lahayn aqoon gaar ahaaneed sida Adeege, Ilaaliye, Xo-  
ogsade iyo Nadiifiye, waxayna u kala habaysnaando-  
naan sida soo socota :

- 1) Adeege, Ilaaliye iyo Xoogsade, waxay ku Mushaar qaadan doonaan darajada D3 Steebka 4aad, lana mid ah Sh. So. 290 (Laba Boqol iyo Sagaashan, halkii ay awal ka ahayd 230/).
- 2) Nadiifiye, Wuxuu ku Mushaar qaadan doonaan darajada D2 Steebka 4aad, lana mid ah Sh. So. 330 (Saddex Boqol iyo Soddon), halkii ay awal kaahayd 230/.

### QODOBKA 2AAD

Shaqaalaha ay arrintan Khusayso waa kuwa u qoran ama ay qoran doonto D/Hoose ee Xamar ee ay hawshoodu tahay Adeege, Ilaaliye, Xoogsade iyo Nadiifiye.

### QODOBKA 3AAD

Xeerkan waxaa lagu soo baahin doonaa Faafinta Rasmiga ah ee J. D. S.

MADAXWEYNAHA J. D. S.

(S/Gaas Maxamed Siyaad Barre)

XEER WASAARADDA GANACSIGA L. 121 ee 10 Nofembar 1980, Diiwaan gelinta Iskaashatada Milixda ee Tuulada Bohol, Degmada Ceel afweyn Gobol Sanaag.

### WASIIRKA GANACSIGA

ASAGOO ARKAY : Qodobka 113aad ee Dastuurka JDS

ASAGOO ARKAY : Sharciga lamb. yahay 316 ee Maamulka Dhexe ee Dawladda soona baxay 17. 12. 1962;

ASAGOO ARKAY : Qodobka 41aad ee Dastuurka Qaybta Hantida Iskaashatooyinka;

ASAGOO ARKAY : Sharciga lamb. yahay 40 ee horumarinta Iskaashatooyinka Dalka J.D.S. ee dhaqan galay 4.10.1973;

ASAGOO ARKAY : Arjigii uu soo qortay Guddoomiyaha Iskaashatada Milixda Horseed, Degmada Ceel afweyn ee Gobolka Sanaag;

ISAGOO TIXGELINAAYA: Taladii Guddoomiyaha Guddiga Maamulka G. Sanaag

### AMAR XEER QODOBKA 1AAD

Iskaashatada Horseed ee saldhiggeedu yahay Tuulada Bohol, Degmada Ceel-afweyn ee Gobolka Sanaag, shaqadeeduna tahay Ganacsiga Milixda, waxaa laga Diiwaan geliyey Xafiiska Iskaashatooyinka ee Wasaaradda Ganacsiga taasoo waafaqsan Qodobka 15 cad ee Sharciga lamb. yahay 40 oo dhaqan galay 4. 10. 1973

### QODOBKA 2AAD

Marka laga bilaabo maalinta xeerkani lagu soo saaro Faafinta Rasmiga ah ee Dawladda Iskaashatada Horseed ee ganacsiga Milixda Tuulada Bohol, G/Sanaag waxay yeelanaysaa aqoonsi gaar ah oo Sharci ku dhisan, Xeer gaarkeeduna wuu dhaqan gelayaa.

WASIIRKA WASAARADDA GANACSIGA  
Jaalle Axmed Maxamed Maxamuud